

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINSKI SUD U VISOKOM  
Broj: 41 0 K 106224 25 K  
Visoko, 26.01.2026. godine

#### U IME FEDERACIJE BOSNE I HERCEGOVINE

Općinski sud u Visokom, sudija Miroslav Savić, uz učešće zapisničara Jasmine Salošević, u krivičnom predmetu protiv optuženog M.K. zbog krivičnog djela „Nasilje u porodici“ iz člana 222. stav 1. u Krivičnom zakonu Federacije Bosne i Hercegovine po optužnici Kantonalnog tužilaštva Zenica T04 0 KT 0062463 25 od 14.04.2025.godine, potvrđenoj dana 21.04.2025. godine, nakon glavnoog pretresa održanog dana 23.01.2026.. godine, na kojem su prisustvovali optuženi i kantonalni tužilac Ešref Sikira, donio, a dana 26.01.2026. godine, u odsutnosti uredno obaviještenih stranaka, javno objavljuje sljedeću:

#### PRESUDU

M.K. , sin E. i majke D. rođene S., rođen ..... godine u V., gdje je i nastanjen, u mjestu U. broj ..., pismen, sa završenom osnovnom školom, po zanimanju građevinar, nezaposlen, oženjen, otac dvoje djece, prosječnog imovnog stanja, vojsku nije služio, ne vodi se u vojnoj evidenciji, Bošnjak, državljanin BiH, JMB: ..., osuđivan

#### Kriv je

Što je dana 17.01.2025. godine, oko 20,00 sati, u V., u mjestu U., u alkoholiziranom stanju, nepozvan ušao u otključanu kuću u kojoj je živjela njegova supruga K.M. i to za vrijeme trajanja zaštitne mjere - zabrana približavanja M.K2., izrečene od strane Općinskog suda u Visoko, a potom joj u kući počeo psovati majku, mekteb i teraviju, da bi u jednom momentu krenuo i da je udari pa kada je M. uzela telefon da pozove policiju, zaprijetio joj da će zapaliti kuću i da neće imati gdje da živi, svjestan da na taj način može ugroziti njen mir i psihičko zdravlje, što je i htio, te ovakvim drskim i bezobzirnim ponašanjem ugrozio mir i psihičko zdravlje svoje supruge M.K2..,

čime je učinio krivično djelo Nasilje u porodici iz člana 222 stav 1 KZ F BiH.

Pa sud optuženom na osnovu istog zakonskog propisa, uz primjenu članova 41. stav 1 tačka a), 42, 43., 49. KZ FBiH,

#### UTVRĐUJE KAZNU ZATVORA U TRAJANJU OD 10 /DESET/ MJESECI

Na osnovu člana 64. stav 3. KZ FBiH prema optuženom M.K.

Opoziva se uslovna osuda koja je izrečena Presudom Općinskog suda u Visokom broj 41 0 K 098398 23 K od 31.10.2023. godine, koja je pravosnažna s danom 03.11.2023. godine, kojom mu je zbog krivičnog djela Nasilje u porodici iz člana 222 stav 2. u vezi sa stavom 1. KZ F BiH, te utvrđena kazna zatvora u trajanju od 1 (jedne) godine i 6 (šest) mjeseci, i

istovremeno određeno da se ista neće izvršiti ako osuđeni u roku od pet godina ne učini novo krivično djelo,

Pa se optuženom M.K. na osnovu člana 64. stav 3. KZ FBiH, a primjenom odredaba člana 54. stav 2 tačka b) KZ FBiH, i z r i č e

#### JEDINSTVENA KAZNU ZATVORA U TRAJANJU OD 2 /DVIJE/ GODINE

Na osnovu člana 202. stav 4. ZKP FBiH, optuženi se oslobađa plaćanja troškova krivičnog postupka.

#### Obrazloženje

Kantonalno tužilaštvo Zeničko-dobojskog kantona Zenica je optužnicom broj broj: T04 0 KT 0062463 25 od 14.04.2025. godine, optužilo M.K. godine, da je radnjama opisanim u izreci počinio krivično djelo Nasilje u porodici iz člana 222 stav 1 KZ F BiH. Na ročištu za izjašnjenje o krivici optuženi se izjasnio da nije kriv, nakon čega je predmet dostavljen sudiji radi zakazivanja glavnog pretresa.

Na glavnom pretresu održanom dana 26.01.2026. godine, optuženi je, u prisustvu svog branioca istakao da u cjelosti priznaje izvršenje krivičnog djela koje mu se stavlja na teret I na način kako je to opisano u optužnici.

S obzirom da je optuženi u cjelosti priznao izvršenje krivičnog djela sud je u smislu člana 280. ZKP FBiH, izvršio uvid u materijalne dokaze tužilaštva i to: zapisnik o saslušanju svjedoka-oštećene M.K.2 PS Visoko broj: 08-02-09/1-61/25 od 17.01.2025. godine, Standardizirani policijski izvještaj PS Visoko broj F04-10-188/25 od 17.01.2025.godine sačinjen od strane policijskih službenika PS Visoko printani alkotest na ime M.K., presuda Općinskog suda u Visokom broj: 41 0 K 098398 23 K od 31.10.2023. godine i izvod iz kaznene evidencije za osumnjičenog M.K. PS Visoko od 24.01.2024. godine.

Nakon što je izvršen uvid u naprijed navedene dokaze sud je ustanovio da je priznanje optuženog na glavnom pretresu potpuno i u skladu sa dokazima, kao i da je optuženi svjestan posljedica priznanja krivice, te da je do priznanja došlo dobrovoljno svjesno i sa razumijevanjem, pa je izjava prihvaćena. Navodi iz optužnice da se događaj desio na opisani način, pored priznanja optuženog, u cijelosti su potvrđeni izvedenim dokazima

Oštećena M.K.2 je istakla da optuženi nakon podnošenja prijave ponekad popije i da ne voli da radi. Istakla da je da se ona bori za djecu od dječijeg doplatka a da je optuženi obećao da će početi da radi kad krene sezona.

U završnoj riječi kantonalni tužilac je predložio da sud optuženog oglasi krivim i izrekne mu sankciju u skladu sa zakonom.

Optuženi je u završnoj riječi istakao da moli sud da ga što blaže kazni, ističem da se kaje za počinjeno krivično djelo i obećava da više neće uraditi ništa slično.

Optuženi se pridružio navodima svog branioca te je istakao da je pogriješio sam i odmah nakon nezgode pomogao oštećenom, te je tražio telefon kako bi pozvao pomoć. Nakon što je toga je otišao za oštećenim u bolnicu i redovno ga posjećivao i donosi mu sve što treba.

Uvidom u izvod iz kaznene evidencije za optuženog sud je utvrdio da nije ranije osuđivan.

Prilikom odmjeravanja krivičnopravne sankcije, sud je imao u vidu osnovne kriterijume, a to su granice kazne propisane za predmetno krivično djelo, svrha kažnjavanja, te okolnosti koje karakterišu počinjeno krivično djelo i učinioca (olakšavajuće i otežavajuće okolnosti), i to: stepen krivice, pobude iz kojih je djelo učinjeno, jačina ugrožavanja ili povrede zaštićenog dobra, okolnosti pod kojima je djelo učinjeno, raniji život učinioca, njegove lične prilike i njegovo držanje nakon učinjenog krivičnog djela, kao i druge okolnosti koje se odnose na učinioca (iz člana 49. KZ F BiH). Kao olakšavajuću okolnost sud je cijenio priznanje optuženog kao i izraženo kajanje na glavnom pretresu.

Odlučujući o prijedlogu Kantonalnog tužioca da se opozove uslovna osude izrečene presudom ovog suda sud je izvršio uvid u Presudom Općinskog suda u Visokom broj 41 0 K 098398 23 K od 31.10.2023. godine, koja je pravosnažna s danom 03.11.2023. godine, kojom mu je zbog krivičnog djela Nasilje u porodici iz člana 222 stav 2. u vezi sa stavom 1. KZ F BiH, te utvrđena kazna zatvora u trajanju od 1 (jedne) godine i 6 (šest) mjeseci, i istovremeno određeno da se ista neće izvršiti ako osuđeni u roku od pet godina ne učini novo krivično djelo.

Sud je, odlučujući po prijedlogu Kantonalnog tužilaštva za opoziv uslovne osude, posebno cijenio okolnost da je optuženi i u periodu provjeravanja ponovo učinio krivično djelo koje je po svojoj prirodi i načinu izvršenja srodno, odnosno izvršeno na identičan ili bitno sličan način kao i krivično djelo zbog kojeg mu je ranije izrečena uslovna osuda. Takav kontinuitet u ponašanju, uz ponavljanje istog obrasca izvršenja, ukazuje da prethodno izrečena uslovna osuda očigledno nije ostvarila svrhu, niti je djelovala na optuženog da ubuduće uskladi svoje ponašanje sa zakonom. Zbog toga sud nalazi da je opoziv uslovne osude jedina adekvatna i svrsishodna reakcija, kojom se može postići svrha krivičnopravnog sankcionisanja i spriječiti dalje vršenje krivičnih djela.

Osim navedenog, sud je za novo krivično djelo optuženom utvrdio kaznu zatvora u trajanju od 10 (deset) mjeseci, pri čemu je imao u vidu i zakonska ograničenja u pogledu izricanja uslovne osude, te u smislu člana 64. stav 2. KZ FBiH, prema kojem se uslovna osuda mora opozvati ako učiniocu za krivična djela utvrđena u uslovnoj osudi i za nova krivična djela treba izreći kaznu zatvora u trajanju dužem od dvije godine.

Stoga je sud optuženom za krivično djelo koje mu je optužnicom stavljeno na teret utvrdio kaznu zatvora u trajanju od 10 /deset/ mjeseci, a zatim je opozvao uslovnu osude izrečene pravosnažnim presudama ovog suda, i primjenom člana 54. KZ FBiH optuženom izrekao jedinstvenu kaznu zatvora u trajanju od 2 /dvije/ godine i smatra da će se bezuslovnom kaznom zatvora u trajanju od 1 /jedne/ godine i 2 /dva/ mjeseca ostvariti svrha kažnjavanja predviđena u članu 42. KZ FBiH.

Prilikom izricanja krivično pravne sankcije sud je cijenio optuženim kao olakšavajuće okolnosti priznanje djela koje mu se stavlja na teret čime je u mnogome doprinio bržem i efikasnijem okončanju krivičnog postupka i smanjenju troškova istog, materijalne i porodične prilike optuženog, a od otežavajućih okolnosti cijenio da je osuđivan.

Na osnovu člana 202 stav 4. ZKP FBiH, sud je optuženog oslobodio plaćanja troškova krivičnog postupka, jer sud cijeni da je optuženi lošeg imovnog stanja.

Zapisničar,  
Jasmina Salošević

Sudija  
Miroslav Savić

**POUKA:**

Protiv ove presude može se izjaviti žalba Kantonalnom sudu u Zenici u roku od 15 (petnaest) dana od dana dostavljanja presude.